

آبونه سرانطی

ممالك عثمانیه ده سته لکی (۶۵)، آتی
آلمی (۳۵) غروشدور .

ممالك اجنبیه ده سته لکی (۱۷)، آتی
آلمی (۹) فرانکدر .

اداره خانه

باب عالی جاده سنده دائره مخصوصه

اظهارات

آبونه بدلی پشیندر

§

مسلمه موافق آثار مع المنونیه قبول
اولنور . درج ایدله یازیلر اعاده
اولونماز .

الشیخ الاسلام

سر ۱۳۳۰

دینی، فلسفی، علمی، ادبی هفته لقی مجموعه اسلامیة در .

اظهارات

رساله مزدن آلدینی کوسترک
شرطیه بتون یازیلر هر هانکی
بر غزته طرفندن اقتباس اولونه بیلیر .

§

مکتوبلرک امضالری واضح
و اوقوناقلی اولسی و آبونه صره
نومروسی محتوی بولونسی لازمدور

§

ممالك اجنبیه ایچون آبونه اولانلرک
آدرس لرینک فرانسجه ده یازلسی
رجا اولنور .

§

باره کوندرلدیکی زمان نه به داترا اولد
یغناک واضحا ییلدیرلسی رجا اولنور .

بعون اهدکم سیل الرشاد

صاحب ومدير

باش محرر

والله يهدي من يشاء الى صراط مستقيم

ع . اشرف اريب

محمد عاكف

جلد ۱۳

۲۲ کانون ثانی ۱۳۳۰

پنجشنبه

۱۹ ربیع الاول ۱۳۳۳

عدد ۳۲۵

جنسیت و دیانت اسلامیة

مال مبنی

مسلمانلر بر برینک قارداشندن باشقه بر شی ده کلدر ؛
اونک ایچون ایکی قارده شکزک آره سنی بولیکز ؛ الله دن ده
قورقوکز که رحمتنه نائل اوله بیله سکز .

بسم الله الرحمن الرحيم

انما المؤمنون اخوة فاصلحوا بين اخويکم واتقوا الله
لعلکم ترحمون

کورونور . حالبوکه تعصب جنسی بر میل طبعی اولسه یدی دکشمردی .
ایشته بو سبیدن طولای عصیت جنسیه نك طبعی اولدیغنه ذاهب
اوله میز . بو بز خصیصه فطریه دکل ، نفوسه ضرورتلرک رسم ایتمش
اولدینی ملکات عارضه جمله سندندر . زرده که انسانک بر چوق حاجاتی
بولنور وافراندنه بر تربیه کامله نك فقدانی سببیه منفعت خصوصیه سنی
ترجیح ایتک میل یوز کوسترسه حرص و طمعنه مساعد زمان
کوردیکی کبی بشقه لرینه تعرضه باشلار . بوندن طولای انسانلرک بر
قسمی دیگر قسمنک تعدیسنه معروض قالدینی ایچون بشریت بر
چوق عصرلر بونک شداندینی چکدکدن صکره نهایت نسب دنیلن
رابطه یه صارلمقده مضطر قالدیلر و بو کونکی اجناسی میدان کتیردیلر ،
تا که هر قبیله رابطه جنسیتله برلشن افرادینک قوتی سایه سنده کندی
منافعنی ، کندی حقوقنی ، دیگر قبیله نك تعدیسندن محافظه ایتسون .
لکن انسانک بتون اطوارنده معتاد اولدینی وجهله بو خصوصده ده
حد ضرورتی تجاوز ایتدیلر ، بر درجه یه کلدیلر که هر قبیله دیگر

دنیا ده موجود امتلرک افرادینی تدقیق ایتسه ک ، هر برینک آمالنه
مطلع اولسه ق ، کورورز که قسم اعظمنده بر تعصب جنسی موجوددر .
عصیت جنسیه کوزهدن آدم منسوب اولدینی جماعتک مفاخریه
مباهی اوله جنی کبی قومنه اصابت ایدمک ضرردن متأثر اوله رق
دفعی ایچون مقاتله یی بیله کوزه آلدیرر ، هم بوغیرتک زرده دن کلدیکنی
هیچ دوشونمکسزین کوزه آلدیرر . حتی طالبان حقیقتدن بر چوغی
تعصب جنسینک انسانده طبعی اولان امور وجدانیه صره سنده
بولدینغنی ظن ایتکده در . لکن بو ظن طوغری دکلدر . چونکه بز
بر اوافق چوغنی آله قده ده سن تمیزه واصل اوله دن باشقه بر
امتک افرادی آره سنه بر اقسق ، رشید اولنجه یه قدر اوراده بویوتسه ک ،
کندوسنک طوغدینی یری ، منسوب اولدینی ملتی هیچ اوکا
سوبله مه سه ک کورورز که طبعنده جنسیت اصلیه سنه قارشو هیچ بر میل
کورولز . کرک وطن اصلیس ، کرک بو صکره کی محل ، نظرنده مساوی
اولور . حتی صکره دن کله رک یتشمش اولدینی یر کندیسنه ده خوش

نوعاً تأثیری یوقدر. بلکه رابطه حقیقه شریعتدن بشقه نه قدر رابطه وارسه شارعلک لسانیه تزییف اولمش، اوکی رابطه لره، اوکی عصیتلره طایانانلر مذهبوم اولمشدر. جناب پیغمبر «عصیت دعوت ایدنلر، عصیت ایچون مقاتله ده بولنانلر، عصیت اوغورنده اولنلر بزدن دکلدر» بیوریور. بو خصوصده کی آیات کریمه، احادیث نبویه یک چوقدر. لکن «انا کریمکم عندالله اتفاقم» آیت کریمه سی جمله سنک فوقده در. اشته بوندن طولاییدرکه برچوق زمانلر اقوام مختلفه مسلمین اره سنده ولی الامر اولانلرک نه قومی، قبیله سی اره سنده بر شرف و امتیازی اولور؛ نه ده ملکی باباسندن، ده ده سندن توارث ایدردی. اوت بونلری عرش حکومته انحق شریعت قارشو اولان انقیاد لرله احکامی محافظه کوستردکاری هتلیری یوکسلیردی.

رئیس حکومت احکام الهیه نه قدر امتثال ایدر، منافع شخصیه دن نقدر تجرد ایلرسه او نسبتده مطاع اولوب میل احتشام، رفاهت معیشت کی شیلرده نفسی دیکر لرینه ترجیح ایدر. بوضورتله متبوع تابعلردن فضله بر نصیب اله حق اولورسه او متحد اولان اجناسک هر بری کندی عصیتنه دونه رک آریه بر اختلاف دوشر، رئیسک سلطنتی تزلزله اوغرار.

مسلمانلرک بدایت ظهورندن شمدی به قدر کوردیکمز سیری، حالی بوندن عبارتدر: رابطه قومیه، عصیت جنسیه اصلا اهمیت ویرمز؛ یالکز جامعه دینییه باقارلر. اشته بوندن طولاییدرکه عرب ترکک سسلطنتدن متنفر دکلدر؛ عجم عربک حکومتی قبولدن چکنمز؛ هندلی افغانلینک تابعیتنه منقاد اولور؛ هیچ بریسنده اثر اشمزاز کورلر. بر مسلمان ریاست حکومتده کی ذاتک شریعته سالک اولدیفنی کوردکدن صکره حکومت هانکی شکله کیرسه کیرسون، هانکی قومه کچرسه کچسون، بونی کریه کورمز. اوت رئیس حکومت طوتدینی مسلکده احکام شرعیه دن عدول ایدر، کندی حق اولیان بر طاقم مطالبه ال اوزاتیرسه اوزمان قبلر خروشه کلیر، اوپله بر رئیس محبتدن روحلر عصیان ایدرده او رئیس حاکم اولدیفنی قومک وطندانی بیله اولسه نظرلرده بر اجنبیدن ده فنا کورونور. ادیان سائر اربابی میانده مسلمانلرک شو خصیصه ممتازلری واردرکه: بر بقعه اسلامیه نک حکومت اسلامیه دن آیرلدفنی ایشیدر ایشتمز جنسیته، قومیه باققسزین صوک درجه ده متأثر اولورلر. هانکی جنسندن اولورایسه اولسون بر جماعت اسلامیه نک اره سنده اوفق بر رئیس حکومت اوامر الهیه رعایت ایدر، خلقی او اوامرک حدودی داخلنده اداره ده بولنور، او اوامر قارشو کندی ده عینله زیر حکمنده کی افراد کی مطیع اولور، پیوده بر طاقم دبدبه لرله، احتشاملرله تمیز سوداسندن اوزاق طوریر ایسه بویله بر حاکم ایچون مملکتی توسیع ایتک، شان و شوکتک غایه سنه وارمق قابل اولور. هم بوخصوصده نه اوپله بیوک بیوک مصرفلره، نه ده دول معظمه نک

قبیله نک نفوذی آلتنه کریمه یی قطعاً ایسته مز اولدی. شونک ایچون که زیر حکمنه کیره جکی اوقبیله یا حکمنده عادل اولیه حق، یا خود عادل اوله بیله اونک احکامه انقیاد ایتک کنیدی ایچون ذلت اوله حق. عصیتک بونوعنه قارشو اولان ضرورت زائل اولورسه انسان بوکاده آلیشیر، یعنی اولجه او ضرورته نصل تابع ایسه شمدی ده او ضرورتدن اوپله جه وارسته قالیر. هله بو ضرورت حضور عظمتنده قوتلرک، قدرت لک محکوم انقیاد اولدینی مبدأ الکله، قهار مطلقه استناد سایه سنده کلیاً معطل قالور.

صکره او قوه فوق الحیاکک تنفیذ احکامه مأمور اولان ذات بتون افراد ملتک او احکام جلیله قارشو مطاوعتی تأمین ایدر.

شمدی نفوس بویله بر حاکم مطلقک وجودینی یقیناً بیلدیکی کی ارتق عصیت جنسیه دن مستغنی قاله رق حقوقنک حمایه سی، غوائلنک مدافعه سی ایچون بو سلطنت مقدسه نک صاحبنه کال اطمئنان ایله عرض تسلیمیت ایدر. بو سایه ده ارتق لزومی قالمیان عصیت جنسیه نک نفوذده کی اثری ده کلیاً محو اولور.

اشته ساکن اولدقلری اقلیملرک بوقدر تنوعیه برابر مسلمانلرک جنسیته قطعاً اعتبار ایتهملری، عصیت دینییه دن بشقه نه قدر عصیت وار ایسه هیچ برنی طایاملری بو حکمته مینیدر. زیر دین اسلام ایله متدین اولان بر آدم اعتقادنده رسوخ بولدیفنی کی جنسیت، قومیت کی شیلردن صرف نظر ایدرک، رابطه خصوصیه یی بر طرفه براقه رق بتون افراد ملتی جمع ایدن علاقه عمومیه به حصر نظر ایدرکه او علاقه علاقه دینییه دن عبارتدر. چونکه دین اسلامک اصول اساسیه سی یالکز خلقی حقه دعوت ایتمکدن، نفوسک جهت روحانیه سی اوزرینه اجرای حکومت ایلکدن عبارت اولوب، بونلرک جمله سنی کافل اولدقدن باشقه، انسانلر اره سنده کی معاملاته حدود وضع ایتش، کلی جزئی بتون حقوقی بیان ایتش، احکام شرعییه یی تنفیذی درعه ده ایدن قوه حاکمه نک دائره صلاحیتی تهدید ایلمشدر. بر حالده که امور عبادی الله آلان ذاتک او احکامه قارشو انقیادی هر کسبدن زیاده اولمق ایجاب ایتدیکی کی ولایت اموره نه ورانته، نه قومی، قبیله سی اره سنده کی امتیاز ایله؛ نه قوت بدنییه ایله، نه ثروت مالیه ایله نائل اوله میوب، انحق احکام شریعتک تحدید ایلدیکی دائره نک خارجه قطعاً چیقمامق و او احکامی بحق تنفیذ مقتدر اولمق، صکره امتک رضاسنی استحصال ایلک سایه سنده نائل اوله بیلور. او حالده مسلمانلر اوزرنده حاکم اولان قوت حقیقتده اونلرک برجنسی دیکرندن قطعاً آیرمیان الهی شریعت مقدسه لرله آرای امتک اجتماعیدر. ولی الامرک افراد سائر ملتدن بر امتیازی وارسه اوده احکام شریعتی محافظه به، ایجابنده مدافعه به هپسندن ده حریص، ده غیور اولسیدر.

حسبک، نسبک انسانه بخش ایده بیله جکی مفاخرک، امتیازاتک هیچ بری ایچون حقوقی وقایه، جانی، مالی، عرضی، حمایه خصوصنده

و جامد دماغندن فیشقیران نظریات اجتماعی و دساتیر عرقیه و عنصریه دکل، عبادینک فوقنده قهر و جلالیه حاکم مطلق اولان جناب حق در، آنک تعدیل و تبدیلدن، تحریف و تغیردن شانی منز و متعالی اولان ازلی قانون اساسیسی، قران حکیمیدر. «وهوالقاهر فوق عباده»، «والله غالب علی امره»

اسلام، بر روحدر، انک وجودی ده عالم اسلام، جهان توحیددر. وجودک حیاتی روح ایله قائمدر. اکر اسلام، مساسر برلفظ بی معنادن عبارت قالیر، او روح چکیلیرسه وجود، تفسخ ایدر، داغیلر. ایشته اوزمان غریک نظریات اجتماعی و دساتیر ملیه سی آنک مرئیة وفاقی اولور.

اسلامک تاریخی میداندهدر. آچیلین! اوقونسون! مسلمانلر، هر نه زمان حضرت قرآنه تام برتسلیمیت مطلقه ایله انقیاد ایتدیلر، احکام اوامر و نواهیسنه درت ال ایله صاریلر چالیشدیلر ایسه یوکسدیلر. مسلمانلر، او اعتلا دورلری ایشته بوتسلیمیت و انقیادک مکفاتی اولاراق آلتون قلملرله تاریخه یازدیلر. بودورلر کرچه معدوددر. فقط شان و شرفی، استقبال نامنه تأمین ایتدیکی حیاتی نامحدوددر.

مسلمانلر غیر ایمانی نفسانیت، غیر توحیدی تفرقلر، غیر انسانی شقاق و نفاق یوزندن غیای انحطاطه سقوط ایدرکن اومدهش سقوطک سرعتنه مانع اولان، حتی آرائق آرائق میل اعتسلا خارقلری کوسترنینه ایشته اولاهوتی ادوار جهانگیرانهک جاذبه توحیدی، حیات شوکت و عظمتی ایدی.

غریک، یانارداغلر کی فوران ایدرک سوریه ساحلرینه ییغیلان، ارض مقدسه یا بیلان صلیب اردولرینه قارشى صلاح الدین ایوبی نک بر آوج مجاهدله سل سیف جهاد ایتسی، انکلیز قرالی ارسلان یوره کلی ریشاری تلکی کی عکا قلعه سنده حبس ایتسی، ونهایت قهر مغلوبیتله هونکور هونکور آغلانه راق خاساً و خاسراً بریتانیایه عودته اجبار ایتسی نه ایدی؟ ناصر لدین الله بغدادده خلافت اسلامیة نک لوازم سقوط واضمحلالی کندی اوز الاریلر حاضرلار، آتش کین و غیضنی تعدیل ایچین خصم جانی محمد خوارزم شاهه جنکیز کی وحشی، یر تیچی، جانواردن مفترس، عصرینک فرعونى اطلاقنه شایان یر دشمن انسانیت و اسلامیتی مسلط ایدر، تورکستان باشدن باشه یر قان دریاسی کسلیر، مدنیت اسلامیة نک الی عصرلق نیجه معموره لری او آتش طوفانلری ایچنده یانار، او قان دریالری اورزنده یوزرکن، قیا آلب اوغلی سلیمان شاه مرحومی جنکیزک ظلمندن چکینمک بهانه سیله ماهاندن هجرته سوق ایدن، ونهایت حضرت ارطغرلی جمبر قلعه سی توكنده بویوک قارده شلرندن آیروب متردد خطوه لرله آسیای صغرایه کوتورن نه ایدی؟ عجبا مرحوم مشارالیه حضرتلری او، پدر جنت مقرینک غیوبت ابدیه سنی تعقیب ایدن ماتم انکیز دقیقه لرده نجل جلیلی جناب

مظاهرتنه، نه ده طرفداران مدنیتک، عونته حریتک مداخله سنه عرض احتیاج ایتیز. خلفای راشدینک مسلکنی تعقیب ایتک، دیانت اسلامیة نک اصول اولیه سنه رجعت ایلک شرطیه بونلرک هپسندن مستغنی اولور. کندی حاکم لرینک مظالمته، عدالت شرعییه مخالف معاملاتنه تحمل ایدمه یه رک بر اجنبی تابعیتنه دخالت ایدن بر قاج مسلمان کورنجه یه قدر دهرک صاچلری آغاردی، زمانک رنکی اوچدی: بونکله برابر بوملتجیلر ده ایلک خطوه یی آتار آتماز ندامتیه باشلادیلرکه بونلرک حالی عینیه کندی اولدیرمک ایتیبوده صکره آجی یی طویار طویماز بشیان اولانلره بکزر. ممالک اسلامیة نک مصاب اولدینی تقسیملر، تفرقلر انجق ولایت اموره بولنانلرک دیانت اسلامیة نک اساسی اولان اصول قومعه دن انحراف ایتلری، اسلافک مسلکنی بر اقلری نتیجه سیدر. بشقه برشی دکلدرد. اکر بونلر قواعد شرعییه رجوع ایدر، سلف صالحک اثرینی تعقیب ایلرسه آز زمان ظرفنده اسکی شوکتلری، دور راشدینده کی غریک تفرقی استردادده موفق اولورلر. «وقفنا الله للسداد وهدانا طریق الرشاد»

مرحوم شیخ محمد عبده

[طنین رفیق محترمزه انخاف اولنور]

اتحاد اسلام

دون، تلفظی دکل، تصوری بیله ممنوع عد اولونان، وحتی کندیلرینی صمیمی طرفدارلری میاننده کوسترن بعض شخصیتلرجه بیله محالاتدن عدایدیلن «اتحاد اسلام» ترکیبی بوکون جالندن رفع نقاب ایدیور. یر آلهة الحسن کی عالم اسلامیتی تاننده جالیله الهی یر وجد واستغراق ایچنده غشی ایدیور. مدید یر کسوفه طوتولمش کونش... پیش اجلانده تراکه، نشر انوارینه ممانته چالیشان اوظلام انکیز طبقات ظلم، آنک انظفا وانکسار شانندن اولمایان ضیاسنه دایانا مایاراق نهایت محو اولور. نهوت، «اتحاد اسلام» مهر توحیدک ازلی برلمه سیدر. اوکونش بوتون عظمتیه، بوتون قدرت قاهره سیله جهان عقل و ادراک فوقنده درخشان ایکن آنک ضیاسنی سوندورمکه کیم وهانکی قوت مقتدر اولابیلر؟

«کی بود خورشید از یف منطمس!!»

اتحاد ایله توحید اراسنده کی تلازم وحدت.. توحید نه در؟ اتحاد نه دیمکدر؟.. بونلر نظر حکیم اربابندن صورولسون! حریم توحیدک محریمی اولمایان، آنی بالکنز برشکلدن، بر هیئت لغویه دن عبارت ظن ایدن عقول قاصره ادراک ایدمه مرسه البته معذور صایلیر. «اتحاد اسلام» بالکنز بر ترکیب لفظی، بر دستور عادی دکلدرد.

«اتحاد اسلام» ی تفسیر ایدیورلر، تحلیل، محال و ممکنه تقسیمه قالیشیورلر. آلدانیورلر. بک چوق آلدانیورلر.

«اتحاد اسلام» ک مرجع حل، فصل الخطابی غریک مادی